

Statistikat e Pagave

Tremujori IV, 2025

Tiranë, 10 Mars 2026: Në tremujorin e katërt të vitit 2025, paga mesatare mujore bruto për një të punësuar me pagë në Shqipëri ishte 86.984 lekë.

- Krahasuar me tremujorin e katërt të vitit 2024, paga mesatare mujore bruto është rritur me 4,3 %.
- Krahasuar me tremujorin e tretë të vitit 2025, paga mesatare mujore bruto është rritur me 4,4 %.

Pagat sipas aktiviteteve ekonomike


- Aktivitetet ekonomike me pagë mesatare më të lartë se mesatarja kombëtare ishin:
 - Aktivitetet Financiare dhe të Sigurimit, me pagë mesatare 173.283;
 - Informacioni dhe komunikacioni, me pagë mesatare 131.165;
- Ndryshimi vjetor i pagës sipas aktiviteteve ekonomike:
 - Rritja më e madhe e pagës ishte në aktivitetin Informacioni dhe komunikacioni, me një rritje prej 7,9 %.
 - Rritja më e vogël ishte në aktivitetin Arte, argëtim dhe çlodhje; Aktivitete të tjera shërbimi, prej 2,2 %.

Pagat sipas profesioneve


- Profesionet me pagë mesatare më të lartë se mesatarja kombëtare ishin:
 - Menaxherë, Ligjvënës, Drejtorë ekzekutivë, me pagë mesatare 135.223
 - Specialistë me arsim të lartë (profesionistë), me pagë mesatare 115.228
- Ndryshimi vjetor i pagës sipas profesioneve:
 - Rritja më e madhe e pagës ishte në profesionet Forcat e Armatosura prej 10,6 %, ndjekur nga Nëpunësit prej 6,2 %.
 - Rritja më e vogël ishte në profesionin Manaxherë, Ligjvënës, nëpunës të lartë të administratës shtetërore dhe drejtorë ekzekutivë prej 3,3 %.

Shpërndarja e të punësuarve sipas nivelit të pagës (figura 2)

- Në tremujorin e katërt 2025, krahasuar me tremujorin e katërt 2024, vërehet një zhvendosje e shpërndarjes së të punësuarve drejt pagave më të larta. Pjesa e grupit me paga mbi 120 mijë lekë u rrit nga 14,1% në 16,2%, ndërsa ajo e intervalit 95.001–120.000 lekë nga 12,8% në 13,2%. Ndërkohë, pjesa e të punësuarve deri në pagën minimale ra nga 14,2% në 12,8%.
- Krahasuar me tremujorin e tretë 2025, rritja kryesore vërehet sërish në grupin mbi 120 mijë lekë (nga 14,2% në 16,2%), ndërsa intervalet 40.001–95.000 lekë shënuan ulje të lehtë. Në tërësi, shpërndarja në Tr. IV 2025 paraqitet më e përqendruar në nivelet më të larta të pagës.

Fig. 1 Paga mesatare mujore bruto për një të punësuar me pagë në Shqipëri (lekë)¹

Burimi i informacionit: Drejtoria e Përgjithshme e Tatimeve, kontribuesit në Sigurime Shoqërore; Llogaritje të INSTAT

Fig.2 Shpërndarja e të punësuarve me page sipas grupeve të pagës mesatare mujore bruto

Burimi i informacionit: Drejtoria e Përgjithshme e Tatimeve, kontribuesit në Sigurime Shoqërore; Llogaritje të INSTAT

Për më shumë informacion dhe për të parë të dhënat e detajuara të tabelave, vizitoni bazën e të dhënave në faqen zyrtare të INSTAT: [Statistikat e Pagave](https://www.instat.gov.al/)

¹Shpërblimet dhe shtesat mbi pagë janë një pjesë e pagës mesatare mujore bruto për një të punësuar me pagë, të cilat në fund të çdo gjashtëmujori risin ndjeshëm pagën mesatare mujore bruto (shih shënimin metodologjik).

Metodologjia

Publikimi i të dhënave për pagat paraqet informacion të detajuar mbi nivelin, shpërndarjen dhe ndryshimet e pagave ndërmjet tremujorëve, duke mundësuar krahasime mes industrive dhe grupeve të profesioneve. Këto statistika janë të rëndësishme për monitorimin e treguesve ekonomikë dhe ndihmojnë politikëbërësit, punëdhënësit dhe sindikatat në vlerësimin e kushteve të kërkesës dhe ofertës në tregun e punës.

Burimi i të dhënave për statistikën e pagave është Drejtoria e Përgjithshme e Tatimeve, e cila, në bazë të Memorandumit të Bashkëpunimit, i dërgon INSTAT të dhënat administrative nga Listëpagesa (E-SIG 025). Ky formular shërben për deklarimin e tre llojeve të detyrimeve tatimore :

- Të Kontributeve të Sigurimeve Shoqërore,
- Të Kontributeve të Sigurimeve Shëndetësore,
- Të Ardhurave nga Punësimi për punëmarrësit.

Variablat e skedarit janë tre lloje: variablat e skedarit origjinal nga DPT, variabla shtesë nga INSTAT dhe variabla të derivuar. Dy variablat kryesorë të interesit në këtë skedar janë Numri i punonjësve dhe Paga mujore bruto e paguar nga punëmarrësit.

Përkufizime

Paga mesatare mujore - është paga e llogaritur mbi bazën e të punësuarve kontribues me pagë që kanë punuar 18 ose më shumë ditë gjatë muajit referencë. . Këta kontribues përfshijnë të gjitha aktivitetet ekonomike, përfshirë bujqësinë, pyjet dhe peshkimin, të deklaruara në Drejtorinë e Përgjithshme të Tatimeve. Paga mesatare mujore bruto përbëhet nga:

- Shtesa mbi pagë për funksione drejtuese,
- Shtesa mbi pagë për vjetërsi në punë,
- Shtesa mbi pagë për vështirësi në punë,
- Shtesa të tjera të rregullta (tituj, grada etj.),
- Shpërblime

Në pagën mesatare mujore bruto nuk zbriten kontributet personale dhe tatimi mbi të ardhurat.

Mediana e pagës mujore bruto - është paga mesatare mujore në mes të shpërndarjes së pagave.

Paga reale - është paga nominale e rregulluar me nivelin e ndryshimit të çmimeve.

Paga minimale mujore - është paga më e ulët e miratuar me vendim të Këshillit të Ministrave.

Klasifikime

- Klasifikimi i ndërmarrjeve është bërë sipas Nomenklaturës së Veprimtarive Ekonomike, NVE Rev. 2, si më poshtë:

NVE Rev.2 (Seksioni)	Përshkrimi
A	Bujqësia, pyjet, peshkimi
B	Industria nxjerrëse
C	Përpunimi
D	Energjia elektrike, furnizimi me gaz, avull dhe ajër i kondicionuar
E	Furnizimi me ujë, aktivitete të trajtimit dhe menaxhimit të mbeturinave, mbetjeve
F	Ndërtimi
G	Tregtia me shumicë dhe me pakicë; Riparimi i automjeteve dhe motoçikletave
H	Transporti dhe magazinimi
I	Akomidimi dhe shërbimi ushqimor
J	Informacioni dhe komunikacioni
K	Aktivitetet financiare dhe të sigurimit
L	Aktivitetet të pasurive të paluajtshme
M	Aktivitetet profesionale, shkencore dhe teknike
N	Shërbime administrative dhe mbështetëse
O	Administrimi publik dhe mbrojtja; Sigurimi social i detyrueshëm
P	Arsimi
Q	Shëndetsia dhe aktivitete të punës sociale
R	Arte, argëtim dhe çlodhje
S	Aktivitetet të tjera shërbimi
T	Aktivitetet të familjeve si punëdhënës; Aktivitetet të prodhimit të mallrave e shërbimeve të pandryshueshme të familjeve për përdorimin e vet
U	Aktivitetet të organizatave dhe organizmave ndërkombëtare

- Klasifikimi i profesioneve është bërë sipas Klasifikimit Ndërkombëtar të Profesioneve, ISCO-08, si më poshtë:

ISCO_08	Përshkrimi
1.	Manaxher
2.	Specialistë me arsim të lartë (profesionistë)
3.	Teknikë dhe specialistë në zbatim
4.	Nëpunësit
5.	Punonjës të shitjeve dhe të shërbimeve
6.	Punonjës të kualifikuar të bujqësisë pyjeve dhe peshkimit
7.	Zejtare, artizanë dhe profesione të lidhura me to
8.	Punonjës të montimit dhe përdorimit të makinerive dhe pajisjeve
9.	Punëtorë (Profesione elementare)
0.	Forcat e Armatosura